

Februari 26, 2020

www.awemainta.com

www.facebook.com/awemainta

noticia@awemainta.com

583-1400



AWEMainta

MAS CU MIL KILO DI DROGA INTERCEPTA



DEN oranan di ayera madrugada Kustwacht di Aruba a intercepta un barco cu bandera di Cameroon cu a resulta di tabata transporta mas cu mil kilo di droga.

Ta trata di e barco Areza, cu ademas di un carga normal, a sali for di Venezuela rumbo pa Grecia, segun por a compronde.

Aressa ta construi na aña 1978, pues tin 42 aña caba den operacion como un barco di carga. E tin un capacidad di 2649 ton DWT y ta midi 95 meter di largura y 13.22 meter di hanchura. Su "call sign" ta TJMC15.

E barco a bandona Venezuela diadomingo den oranan di atardi. Diamars den oranan di madrugada e tabata cerca di Aruba y Kustwacht a dicidi mesora pa ordena e barco y su tripulantenan pa stop pa despues a ordena nan pa coy direccion di waf di Aruba.



**INVEST
SECURE**

We don't just say it ... We Guarantee it !!!



*Nos ta ofrece tranquilidad,
protehando nos comunidad.*

Pa mas informacion yama 582-7252

Na momento cu e barco Aressa a yega den oranan di madrugada, a pidi varios auto di transporte pa transporta e tripulantenan p'e diferente Wardanan di Polis. Mainta autoridadnan a cuminsa listra e barco y a topa e cargamento grandisimo cu tin un balor multimillonario. Despues di a baha e droga, esaki a keda transporta pa Mariniers Kazerne na Savaneta, pasobra ey tin mihor vigilancia, te ora cu Ministerio Publico dicidi di deshaci di e cargamento aki.

Stop Searching for Content!

Find and access content based on *what it is*, not where it is saved



M-Files®

Intelligent Information Management

- System Neutral, Metadata Driven
- Cloud, On-Premises, or Hybrid
- Automated Workflows
- Seamless Integration with Microsoft Office and more




Tel. 583-7072 | info@vcc-int.com | www.vcc-int.com

Tin disunion den partidonan di coalicion, ora un biaha mas a keda confirma cu

Presidente di Parlamento no ta confia su Vice Presidente

Cu ta motibo cu Rocco Tjon a bay representa fraccion di MEP na New York



Vice - Presidente di Parlamento

ORA cu a bira conoci, y a keda participa p'e propio Rocco Tjon, lider di fraccion di MEP, cu el a biaha pa New York pa un reunion convoca pa Nacionnan Uni, pa representa Ady Thijsen.

Tuma nota cu Rocco Tjon mes ta declara cu el a bay New York pa representa Presidente di Parlamento, Ady Thijsen.

Den comunidad a lanta hopi pregunta si e titulo di Vice Presidente ta pa pronk of si berdad e Vice Presidente ta un funcion of no.

Oficialmente e titulo di ta Vice Presidente no ta existi sino ta pa por representa Presidente di Parlamento ora e Presidente oficialmente no por pa motibo di otro compromiso of ta ausente pa motibo di salud of Presidente kier participa activamente na un reunion den Parlamento.

Ora Presidente biaha y Alan Howell keda atras como "acting president" e mester haña tur honor como Presidente entre otro e mester entrega e dienstwagen di Parlamento p'e translada su mes ta pesey e ta, pero e no ta dune e honor ey. Alan Howell no mag di core e auto di Presidente di Parlamento.

Tur e hechonan aki a cuminsa "herbe" y ta confirma cu Alan Howell tey pa "spek en bonen" y no tin ningun autoridad. Cuanto biaha a mira Howell den funcion di Presidente a.i. di Parlamento, dirigiendo un reunion. Nunca, pasobra Ady Thijsen no ta permiti esaki. Alan Howell ta bon pa keda como Parlamentario di esnan pariba di brug y nada mas.

Actualmente por tuma nota cu Presidente no ta confi'e of no ta tur ora ta di acuerdo pa represente den reunionan of eventonan importante. P.e. un reunion manera Eurolat cu t'e Presidente di Parlamento mester asisti ta dicidi cu e no ta bay pero ta manda Endy Croes enbes di Alan Howell.

Awor Hulanda ta invita Presidente di Parlamento pa forma parti di un delegacion pa Nacionnan Uni. Aki Parlamento a dicidi cu t'e Presidente ta bay representa Parlamento es decir hise na nivel di Presidente di Parlamento mescos cu Corsou y St Maarten.



Lider di fraccion di MEP

Awor MEP a dicidi cu como Ady Thijsen no por bay, pero e no ta laga Alan Howell bay como e Vice Presidente di Parlamento, pero ta manda Rocco Tjon, kende ta lider di fraccion di MEP, kier men como representacion di MEP el a bay y no di Parlamento.

Ora sra. Dellanira Maduro a drenta Parlamento Alan Howell a opta pa keda como Vice Presidente di Parlamento y no bira lider di fraccion pero awe ta surgi e pregunta: Kico t'e balor di ta un Vice Presidente si na momento cu e Presidente no por atende un encuentro ta dicidi cu ta un Parlamentario di su fraccion lo represente. E situacion aki ta sigui "herbe" te ora cu Alan Howell bisa cu ta basta cu e wega aki. E ta keda semper atras of di berdad Howell ta gusta di ta wordo yama Vice Presidente, pero tanto bal e tey of no. MEP ta dicidi riba su posicion.



EDITORIAL

Cuerpo Policial a wordo converti den un circo



Pa: Victor (Toko) Winklaar

NO mas un año pasa, n Ministerio Publico a bay over na detene varios miembro di prensa di Aruba relaciona cu “robo” di radionan di Polis, cu porcierto ainda no a keda convincentemente prueba.

A kita libertad di algun periodista mustrando un forsa abusador nunca antes bisto, caminda practicamente tur hende sa cu tras di henter e forma di proceder di Ministerio Publico, tin motibonan politicamente motiva.

Minister di Husticia Andin Bikker publicamente a yega di puntra dicon cierto miembronan di prensa tur ora ta yega na sitionan di suceso tin ora prome cu Polis, dunando e impresion cu e miembronan di prensa aki lo ta haciendo cosnan ilegal.

Un investigacion cu tabata dirigi practicamente riba un miembro di prensa y su colega di 24Ora ya cu semper nan ta enberdad prome n’e sitio, prome pa duna informacion, pero na final di cuenta no a haya nada cu base solido pa acusa y haya e hendenan aki culpabel.

Na luna di december ultimo, Minister di Husticia Bikker a declara durante di un conferencia di prensa cu Gobierno lo bay inicia un proceso pa bin cu ley cu ta haci dunamento di fake news algo castigabel y cu e tin experto na Corsou cu lo bay yuda den formulacion e proceso aki.

Tur e cosnan aki ta tumando lugar, ta cuestiona e forma di procede di medionan di comunicacion local, ya cu nan lo ta perhudicando investigacionnan, lo ta dunando informacionnan cu no ta yuda cierto casonan, pero en realidad nada, pero absolutamente nada di esaki ta berdad.

E confrontacion entre tanto Minister di Husticia y Ministerio Publico cu prensa local, no ta data for di awor, pero pa algun tempo caba por a sinti e confrontacion aki sigui crece ya cu te ainda den e tempo moderno aki di telecomunicacion, tin hende ta kere cu ta dificil pa periodistanan yega na informacionnan sin mas y asina facil.

Awendia tur ciudadano cu tin un celular den man, por tuma su fotonan, por duna informacion, por alerta medionan di prensa asina cu algo pasa, pero keto bay ta cuestiona unda medionan di comunicacion ta haya nan informenan asina lihe.

Awor pa sorpresa di tur hende ta bin resulta c’un persona di medio di comunicacion Hulandes, cu tin un programa na Hulanda, a bin Aruba y a wordo trata manera general di tur general, ya cu hasta uniform di Polis a duna e persona aki bisti. Periodistanan local nunca por a core den auto di Polis, nunca por a coopera cu Polisnan na momento di detene un persona, ya cu ley no ta permiti esaki, pero e persona Hulandes aki kende tabata ex Polis na Hulanda, a haya carte blanche pa sigui actua como Polis na Aruba.

Algo increibel y cu sigur merece un investigacion di parti di Ministerio Publico pa mira si den cierto caso, derecho di personanan deteni no a wordo viola cu intervencion di e fake periodista Hulandes aki.

Ta imposibel pa permiti un persona cu no ta pertenece na Cuerpo di Polis di Aruba, cu no ta huramenta pa sirbi e mesun cuerpo aki, ta wordo permiti pa bay den un accion di detencion y hasta pone boei na man di un detenido y ta permito e cuerpo di filmacion di e periodista aki, core filma di cerca tur loke ta pasando.

Algo increibel, pero cu ta confirma loke hopi hende a bin ta criticando caba pa algun tempo, esta e maneho sin pia ni cabes di Minister di Husticia Andin Bikker, kende no ta por tolera y respeta trabou di prensa local, pero ta habri porta pa otronan di afo bin haci loke e localnan no ta permiti pa haci.

Fuera di esaki ta imposibel pa e.o. un ex oficial di Polis di Aruba, traha pa un medio di comunicacion di aki, bay Hulanda y haya e mesun cooperacion aki ya cu no tin base legal pa permiti esaki tuma lugar.

E ta algo hopi serio y hopi complica cu ta rekeri un investigaion imparcial pa mira ta kende a duna e ordo aki, ta kende ta responsabel p’e abuso di confiansa aki y mas tanto e falta di respet p’e propio Cuerpo Policial.

Nos ta spera cu Minister Andin Bikker y tambe Andrew Hoo, Alto Comisario y splica kico a pasa aki, pakico tanto preferencia na un Hulandes, cu a bin traha un show aki na Aruba violando ley y esnan cu mester garantiza cu leynan ta wordo respeta, ta dun’e tur cos. Ta na Aruba so, e cosnan aki ta sosode.



SIMAN PASA mi a wak y tende con meneer Edgard Vrolijk di MEP ta gaba cu nan a sera 2019 cu surplus na lugar di deficit. Anto e ora mi pregunta ta si na 2019 bo a logra sera cu surplus manera e ta bisa dicon pa 2020 ainda tin un buraco di 40 mion?

E mes no ta mira con ridiculo e ta cu su hacimento di enee ra? Anto esaki nos tin cu considera hende prudente y serio? Pio ainda e enee raki ta un docente tambe pa colmo!!!

+++++

Si tuma nota cuanto condom Famia Planea a reparti, nos ta yega n'e conclusion cu hobennan ta hopi active sexualmente. Anto di ta compronde cu tin asina tambe embarazo hubenil, pasobra hopi di nos hobennan falta di informacion sexual. Pesey Famia Plania ta kere cu reparti condom, lo por yuda.

+++++

Doe mee met de 2 daagse uitdaging!



**geen alcohol op:
30 en 31 Februari**

Via Spreuken Café

Na Aruba y masha mahos mes. Hende NO tin respet mas? Mira kico ta pasa durante Carnaval. Chicote no sa si ta local of turista, pero e ta Stinky Meat

+++++

Na TeleCuracao nan a bisa cu Carnaval na Aruba a yena su final cu 2000+ participante y cu antes Aruba tabatin mas participante cu Curacao. Awe dos Grupo di nan so tin 2000+ sin conta otro grupo nan. TeleCuracao no mester preocupa cu Aruba, pasobra Aruba tin su forma di celebra Carnaval.

+++++

Aruba mester cuminsa realisa cu Carnaval NO ta hubentud mas. Hubentud no ta bay spaar mas of fia placa pa traha costum of carosa pa balia dos dia den solo. Anto si nan bebe, Polis ta para nan y haya boet tambe. Tur cos ta caro y no ta haya nada bek. Mira so cuanto candidato pa Reinanan, pa contest di musica, hende para na banda tabatin. Y si trece otro alternativa Carnaval ta caba na nada. Un gran Carnavalista y mid age a duna di conoce cu e no ta partisipa mucho mas. Dor di pelea di e hobennan, nan kier drenta den grupo baila haci fastioso y el a bira demasiado caro. Hobennan kier participa den fakkel y Parada di Luz cu ta barata y pa nan bebe bay off.

Aña cu e tabata kier a bay, pero ora cu nan a bisa ta 3300.00 pa ta den seccion, el a prefera gaste den vakantie. Carnaval a bira un business y si e sigi asina nos mes ta caba cune

+++++

Hopi ta di opinion cu SAC mes t'e Alternativa. Hendenan cu tin gana di traha hunto enbes di pleita cu otro. SAC a siña su les y awor nan lo sa di haci Carnaval mas grandi.

+++++

Kico di berdad tin den esaki. Mientras cu ATA ta inverti mision pa promove nos isla positivamente, Mando Policial y tambe Minister Andin Bikker ta habri porta pa un

Sigui na otro pagina >>



ex Polis Ellie Lust fiesta cu noticianan negativo. E lo usa tur e noticianan negativo aki pa pasa riba canal di Hulanda cu por wordo mira tambe via un programa cu e tin.

Mas tristo ta cu e ex Polis aki tabata bisti tur na uniform di Polis di Aruba. E tabata core den patruyanan di Polis. Baha cu Polis tur caminda y drenta cas di hende ora di asistencia. Esaki ta algo cu nunca antes nos a mira pasa.

+++++

Nos mesun Mando Policial y nos mesun Minister di Husticia Andin Bikker ta presta nan mes pa saca paña sushi benta riba caya. E mesun ex Polis ta papia cu sospechoso manera ta su asistencia.

+++++

Mientras tur esaki ta permisible, prensa ta wordo persigui pa Polis cu beneplacito di Mando Policial y di Minister di Husticia, Andin Bikker. Awendia tin varios Polis na cas, pasobra nan ta wordo sospecha di a duna prensa informacion. Hera un Polis papia cu prensa ya caba ta saca conclusion cu ta informacion.

+++++

Parce Mando Policial y Minister Andin Bikker kier pa Polis y Prensa riba caya ta enemigo di otro. Pa falta di conocimiento e mandatario y esun liderando Mando Policial sin experiencia ta lubida cu e dosnan aki ta importante pa traha hunto. E trato total y preferencial duna n'e ex Polis Ellie Lust pa yena su programa cu rating na Hulanda cu noticianan negativo di Aruba ta algo totalmente di desaproba.

Dicon Sindicato di Polis ta tolera esaki?

+++++

Awor cu Carnaval ta tras di lomba, tur cos ta normalizando atrobe. Gobierno di su banda percursa pa goberna y priminti cu lo trata presupuesto 2020 na maart cu ta otro siman. Ban wak kico ta kico.

Paga prome cu fin di luna pa no haya boet automatico	
LOKE BO TA PAGA... si bo paga na tempo cu deadline 28 Feb. 2020	LOKE BO TA PAGA... si bo faya y start paga di 2 Maart 2020 en adelante
Pago di Voljaar di Afl. 300	Pago di Voljaar di Afl. 300
Belasting: 300,00	Belasting: 300,00
Multa: 0,00	Multa: 150,00
Nummerplaat: 12,00	Nummerplaat: 12,00
Controleplaat: 8,00	Controleplaat: 8,00
TOTAL: 320,00	TOTAL: 470,00

+++++

Recientemente un matutino (di cual ta wordo bisa cu tin tres Parlamentario di MEP den su redaccion) a bin cu un sistema nobo di estadistica cu ni e Director di CBS no tabata sa di dje.

Pa yuda e Gobierno aki pa bruha tera pa kita atencion di e medidanan biniendo, nan a publica cu e pueblo di Aruba ta paga 1 miyon florin pa siman p'e proyecto di Watty Vos Boulevard cu no ta corecto.

Berdad cu den prome instante bo ta spanta, pero mientrastanto full Aruba sa cu e suma pa tur e proyectonan di PPP incluso esnan bou Gobierno di MEP ta suma 82.4 miyon pa 2020. Y cu ya e pueblo aña pasa a paga 106 miyon via BAVP. Dus 23.6 miyon dimas.

+++++

Awor no spanta por cambia ora bo bay wak kico e pueblo ta paga na Gobierno directo of indirecto pa siman pa otro asuntonan. Algun ehempel ta sigi:

Accijns riba alcohol sterki y serbes: 1.2 miyon.

SER HUMANO CENTRAL



Accijns minerale olien (gasoline e.o.): 1.4 miyon

BAVP: 2 miyon; SVb (pensionados, viudas, huerfanos): 5.7 miyon.

Y esnan cu Gobierno no kier mishi cu nan, esta personal paga directo of via subsidie, manera

ambtenaarnan, contractanten, maestronan y Family and Friends: 5.7 miyon.

+++++

Un biaha mas, mayoria di fraccionnan di Gobierno a tuma Allan Howell di haci, ora cu enbes e bay New York pa forma parti di delegacion di Reino, den lugar di Presidente di Parlamento, Ady Thijsen a dicidi pa manda Rocco Tjon. Dicon? Ningun dia Rocco Tjon a keda eligi como Vice Presidente di Parlamento, pero Allan Howell, kende mester keda atras manera un chocho, sin por protesta. E tey pa spek en bonen. Nos tin mas di e forma cu demas Parlamentarionan di Parlamento ta trata Howell, kende ta demostra con l.....o e ta.

+++++

Accidente semi frontal entre Nissan y Honda diamars mainta na Palm Beach



DIAMARS mainta den careda di 8'or Polis y ambulance a wordo manda banda di un restaurant na Palm Beach, unda un accidente a sosode y tin hende herida.

N'e sitio Polis a topa cu un Nissan March y Honda Fit.

Segun Polis a compronde n'e sitio ta cu e Nissan March lo a tuma un bocht poco grandi di mas y a topa cu e Honda Fit. Aki ta unda nan a dal den otro.

Den e Honda Fit un persona a resulta herida y na yegada di ambulance, Paramediconan a opta pa transporte pa Hospital.



BO MESTER DI WASTE BUCKET RESIDENCIAL OF COMERCIAL?

ecotech

YAMA

Mr. Bucket

594-3757

mrbucket@ecotech.aw

20 yrd Big Bucket

15 yrd Junior Bucket

10 yrd Small Bucket

Parlamentario Jennifer Arends-Reyes

Pa temporada di zomer 2020 compania crucero a cancela casi 70.000 pasahero pa Aruba



PA 2020, Gobierno a presupuesta 15 miyon mas na entrada di Tourism Levy pues esaki lo bira 7% pa tur turista stay-over y no ta descarta cu pa turismo crucero tambe lo aumenta e fee.

Parti di e Cruiseship Passenger Fee, esta e 'CPF' pa añanan largo tabata bayendo pa e.o. Arutram, Cosecha cu ta arte y Museonan, sperando cu e aporte aki di e turismo crucero por continua pa futuro mirando e balor agrega di cada un di nan.

Na varios ocasion sra. Jennifer Arends-Reyes a menciona cu e proyecto di Port City no mag en particular competi y caba cu centro di ciudad mirando cu si no implementa e proyecto bon e por bira un 'net' pa tene turismo eynan so, siendo cu e autenticidad den museo, arte y ambiente mester ta den centro di ciudad y Port City lo mester complement'e y traha hunto pa logra yega na un area balansa cu hopi pa ofrece.

Turismo Crucero ta yegando su 'peak' pa Aruba cu ta 800 mil pasahero plus pa aña cu di un banda ta aumenta e contribucion na economia, pero mester percura pa bin cu bon palabracion y maneho visible pa locual t'e 'foot print' di e cantidad grandi aki di bishitante, diversificacion di

atraccionnan cu ta ofrece basa riba experiencia unico, seguridad y autenticidad, mitigacion di aglomeracion, campananan extra riba educacion, respet pa nos isla su habitantenan, flora y fauna.

Kico Aruba ta spera di su bishitantenan esaki principalmente mester bay via e tour operators, rentals y tur cu ta traha den e industria. Y tambe campananan local pa yuda duna e mihor ehempel y pa nos norma, balornan, calor y cordialidad no stop di existi.

E slogan di 'One Happy Island' no por existi pa turistanan so, localnan mester por sinti esaki tambe. Pa locual ta trata crucero mirando cu nos ta ricibiendo barconan cu cantidad grandi di pasahero y mega ships ya Aruba ta cuminsa conta cu cierto cantidad di entrada den temporadanan y si tin cancelacion e impacto pa nos economia ta sinti'e mesora, pesey mester percura pa reserva un bon mix di barco, ta plania cu den zomer cuminsando fin di april ta spera 25 calls menos di Pullmantur cu a cancela y ta nifica den un temporada 70 mil pasahero a cay afor cu ta nifica alrededor di 8 miyon florin menos den nos economia, sra. Jennifer Arends-Reyes ta termina bisando.

Di acuerdo cu Jennifer Arends Reyes

Gobierno mester atende cu e sentimento di pueblo pa cu desaroyo di turismo pa local ni bishitante sinti nan menosprecia

Parlamentario Jennifer Arends-Reyes a declara cu nos turismo tabata riba pia y stabil na 2017 cu desaroyo na beneficio di comunidad y bishitante, pero actualmente mester accion y atencion urgente pa cu turismo. Aruba a yega na un punto caminda cu turismo, bienestar di comunidad y pais mester keda den balansa, Aruba no por sigui den e trend di sigui ta satisfecho cu volumen y crecimiento riba crecimiento y no ta prepara p'e impacto cu esaki tin, no kier scucha kico e turistanan, Parlamentario Jennifer Arends-Reyes ta bisando.

Nan kier wak 'value for their money' y mas ainda e paz y tranquilidad na cierto atraccion y sitionan ta cabando y ta papia di 'overcrowding' cierto caminda, beach y orario, comunidad na su turno tambe ta cuminsa reclama y tolera menos di actitud tin biaha di nos bishitantenan.

Na momento cu pueblo ta sinti cu nan lugar y espacio ta wordo limita y ta reclama esaki y ta sinti cu Gobierno no ta haci nada pa atende cu e sentimento aki, pueblo ta sinti cu no tin oido pa nan.

Sin conta e hobennan cu ta cabando nan estudio riba nivel di MBO cu ta buscando trabou den turismo no ta logrando, pero e topico aki sigur tambe tin atencion di sra Arends-Reyes.

Nos economia ta depende riba turismo awor mas cu nunca mirando cu no ta treciendo proyectonan concreto pa Aruba pa diversifica, pero na mes momento si no tuma accion awor y trece e balansa entre espacio y reglanan pa comunidad y bishitante, ningun di dos lo sinti nan mes mas na cas mas of por tin e sentimento cu nan no ta bon bini y lo emigra of den caso di bishitante lo simplemente busca un otro destinacion.

Calidad vs cantidad mester bira realidad mas cu nunca mirando cu e mercado di Aruba lo nivela mientras cu region ta recupera di e catastrofenan natural di 2017.



Y nos a cuminsa wak esaki den e indicadornan manera caida di room occupancy y REVPAR.

Awor mas cu nunca ATA cu su dos pechinan di mercad-eo y atraccion y maneho di destinacion tin cu laga su voz pa maneho di destinacion local resona. Nan tin diferente estudio haci, pero Gobierno no ta implementando nan consejo.

Parlamento no ta ricibi sesionan mas cu stakeholders importante di turismo y mayoria di preguntanan oficial no ta wordo contesta. E presupuesto di ATA no a yega Parlamento ainda, tampoco informacion tocante e cantidad final di fondonan di emergencia cu lo ser uza pa 2020 y con a para cu e urgencia di DOW di 12.6 miyon p'e 'repair e oxidation ditch y e aeration system' n'e 'riool water zuiverings instalatie' di Bubali pa por garantisa e eficacia di e capacidad pa filter e awa sushi y percura p'e awa no haci daño n'e bida marino. Sra Arends-Reyes lo keda vigilante riba e desaroyonan tocante e peliger di un turismo desbalansa.

Awe diarazon dia 26 di februari ta lansa buki conmemorativo dedica na Mama di Cultura



Fundacion Bernadina Growell Kock ta recorda tur ciudadano cu awe diarazon 26 di februari lo lansa e buki conmemorativo dedica na Mama di Cultura, Bernadina Growell Kock. E evento cultural lo tuma lugar di 7-9 or anochi den Cas di Cultura. Lo tin discurso, canto, declamacion di poesia y sketchan.

E buki a ser compila dor di fundacion den cooperacion cu rumannan di Bernadina Growell-Kock d.f.m. Den e buki ta describi ken Bernadina tabata, su cancionnan, carera musical y logronan. Ademas por haya un bista di kendenan tabata rond di Mama di Cultura.

Bernadina a nace dia 27 di februari 1939 y a fayece dia 23 di februari 2009. El a compone un cantidad di cancion di cual 40 a keda registra. E ta prome hende muher cu a canta y a compone cancion pa Festival di Tumba.

El a compone himno di Brazil, Himno di Flor di Brazil, himno di Grupo Violeta. El a lanta diferente agrupacion musical manera Las Campiranas, Estrella di Oro, el actua den y dirigi diferente produccion teatral. Un don di Mama di Cultura ta cu e por adapta su mes riba escenario na cualkier tipo di edad. E ta un baluarte di nos cultura y ta di importancia pa rindi homenahe na dje.

Fundacion hunto cu Chico Harms ta invita tur esnan cu ta stima nos cultura y esnan cu ta participa na paradanan cultural, na festivalnan y na eleccionnan di Damanan y Damitanan pa acudi n'e evento.

Na un manera simbolico lo cana hunto drenta Cas di Cultura. Ta invita un y tur pa ta presente. Entrada lo ta completamente gratis.

Kiwanis Club of Aruba a haci

Donacion di 19,500 florin na Fundacion Ban Uni Man Pa Cria Nos Muchanan

DIARAZON ultimo durante e reunion general di Kiwanis Club of Aruba, Presidente di Kiwanis Club of Aruba, Edalitz Weller y “Distinguished Lieutenant Governor” di Division 26, sr. Giantonio Muller, a haci entrega oficial di un donacion di AWG 19,500 na sra. Rachel Roos di Fundacion “Ban Uni Man Pa Cria Nos Muchanan”. Cu e donacion lo contribui na duna desayuno na 780 mucha pa 1 luna of 65 mucha pa 1 año.

Den luna di november y december di año pasa e miembronan di Kiwanis Club of Aruba a recauda fondo pa Fundacion Ban Uni Man pa Cria Nos Muchanan.

E fundacion aki ta percura pa algun año caba, p’e muchanan di poco recurso, haya algo di come tur mainta na scol mes y asina aporta na nan prestacion na scol, ya cu desayuno ta keda un alimento di sumo importancia. Na año 2018 Kiwanis Club of Aruba a haci un donacion di 15,000 florin na dicho fundacion.

Kiwanis Club of Aruba a gradici y elogia Fundacion Ban Uni Man pa Cria Nos Muchanan pa nan excelente trabou pa comunidad di Aruba.



Kiwanis ta gradici comunidad y comerciantenan di Aruba cu semper a duna apoyo y sosten na tur e proyectonan cu Kiwanis Club of Aruba ta realisa durante año p’e muchanan, cu t’e meta principal di Kiwanis y comunidad di Aruba en general.

Danki pa yuda Kiwanis Club of Aruba sigui aporta y yuda comunidad y specialmente e muchanan cu ta nos futuro.

Kiwanis Club of Aruba ta activo den e comunidad Arubano desde 1964. Pa mas informacion di Kiwanis Club of Aruba y of su actividadnan por acudi na www.kiwansclubofaruba.org of Facebook page Kiwanis Club of Aruba.

DNM ta informa cu nan oficina na Bernhardstraat lo cera pa motibo di mudanza

RECIENTEMENTE Directie Natuur en Milieu a ricibi e yabinan di e edificio na unda nan lo ta ubica. Entrante awe mes mudanza a cuminsa. P’e motio aki DNM ta informa comunidad cu e departamento lo ta cera 26 y 27 februari 2020.

Despues di e fecha aki DNM lo ta situa n’e localidad nobo conoci como Uncle Louis Store cu e adres B.v/d Zeppenveldtstraat #7 den Promenade na San Nicolas. E servicio-nan di DNM lo continua riba fecha 28 di februari n’e localidad nobo.



Nan number di telefon y email lo no ta operacional te cu proximo anuncio.

Por haci uzo di e number di telefon 594-8724 pa casonan di emergencia y cualkier eventualidad di casonan cu ta relata na nos medio-ambiente y naturalesa.

DNM ta gradici un y tur cu a haci’e posibel nos yega n’e localidad nobo aki. Nos ta spera pueblo di San Nicolas keda contento cu e monumento nobo di Uncle Louis Store.

Mientrastanto, nos disculpa pa cualkier inconveniencia e dianan di mudanza lo por trece cune.

Na apertura di Caribbean Centre of Legislation

Reconocimento pa Minister Bikker pa su esfuersonan pa introduci un Academia di Ley



DIAHUEBS ultimo Minister Andin Bikker tabata na Corsou pa asisti y hiba discurso na apertura di e ‘Caribbean Centre for Legislation’ y instalacion di un ‘Bijzonder Hoogleraar Wetgevingsleer’, prof. dr. Sjoerd Zijlstra.

Durante e apertura Minister Andin Bikker a haya amplio reconocimiento pa su esfuersonan desde 2014, for di su tempo como Parlamentario, pa por yega na introduci un Academia di Ley.

Minister Andin Bikker a gradici p’e reconocimiento y a aplaudi e introduccion di e Caribbean Centre for Legislation y e instalacion di prof. dr. Sjoerd Zijlstra como Bijzonder Hoogleraar Wetgevingsleer.

Durante e cumbre di Ministernan di Husticia (Justitiel Vierlanden Overleg) di juli 2019 a palabra a base di proposicion di Aruba cu ta bay busca cooperacion riba e tema aki.

Den su discurso diahuebs ultimo Minister Bikker a recorda cu leynan por wordo compara cu ‘software’ di un pais y p’esey ta importante pa amplia e capacidad di specialistanan cu por yuda traha conceptonan di ley, p’asina por actualisa nos leynan mas pronto cu ta posibel. E mandatario su meta ta pa prome cu 2020 termina, den cooperacion cu Ministerio di Enseñansa, Universidad di Aruba y e Caribbean Centre for Legislation, lo por bay ofrece cursonan riba e tereno di ‘Wetgevingsleer’.

Registra awo!

Manda bo e-mail na noticia@awemainta.com

Ricibi AWEMainta tur dia den bo inbox



www.awemainta.com



www.facebook.com/awemainta



583-1400



583-1444

Premiacion Carnaval 66

Roadpiece Luhoso #1 – TOB – Grand Palace of Thailand – Rafael Scatlife

Roadpiece Campeon #1 – TOB – Grand Palace of Thailand – Rafael Scatlife

Roadpiece Campeion # 2 – TOB – Wat Pha Sorn Keaw of Five Faces Buddah – Ricardo Donata

Mini Roadpiece Luhoso #1 – TOB – Thailand Princess – Noemy Palm

Body Piece Campeon #1 – DCG – Dogon Honor Exotic Birds – Andy Mendez

Body Piece Luhoso #1 – TOB – The Yaska Guard of the Emerald Buddah – Ryon Dijkhoff

Body Piece Luhoso #2 – TOB – The Ruby Shadow of the Emerald Buddah – Carlos Tromp

Body Piece Luhoso #3 – TOB – Devadata The Rival of the Buddah – Leandro “Andy” Donata

Body Piece Campeon #1 – P4L – Dream Catchers – Ryan Richardson

Body Piece Campeon #2 – TOB – The Ruby Shadow of the Emerald Buddah – Carlos Tromp

Body Piece Campeon #3 – TOB – The Yakshini Protector of Emerald Buddah – Jennifer Nicolaas



Shoulder Piece Luhoso #1 – TOB – The Garuda Mystical Protector of the Emerald Buddah – Tito Rivera

Shoulder Piece Luhoso #2 – TOB – The Spirit of Grand Palace – Margaret Chin

Shoulder Piece Luhoso #3 – Champagne – Libertad para Venezuela – Clyde Fuenmayor

Shoulder Piece Campeon – Champagne – Derechonan di Comunidad LGBT – Juni Giel





Carosa Campeon – TOB – Thailand / Superfood – TOB

Flota Campeon – Champagne – Art District – Champagne

King of Band – TOB – Temple of the Emerald Buddah – Raynedrick Koolman

Queen of Band – P4L – Rainbow Neon Dream Catcher – Angelique Flanders

Seccion Luhoso #1 – Champagne – Cas Floria – Anoushka Scharbaay

Seccion Luhoso #2 – TOB – Marble Temple – Rudy Richardson

Seccion Luhoso #3 – TOB – Temple of the Emerald Buddah – Raynedrick Koolman

Seccion Campeon #1 – P4L – Dream Catchers – Deninah Martina

Seccion Campeon #2 – TOB – Wat Pha Sorn Keaw of Five Faces Buddah – Ricardo Donata

Dancing Queen – Empire CG – Tita Iglesias

Dancing King – Majestic CG – Randy Hernadis

Banda Carnavalesco – TOB – Nfuzion



Premio Creativo #1 – OPC – Plastic Andromeda – Isabel Dammers

Premio Creativo #2 – Champagne – Art District – Omaira Silva & Team

Premio Incentivo – Aruba Doet – Aruba Doet y su bailadornan – Aruba Doet

Premio Cultural – Los Laga Bai – Untold story Pharaohs of Aruba – Los Laga Bai

Brassband di Aña – Massive Brassband – Roderick Lopez

Premio Inovativo – Empire CG – Queeny's Snack

Grupo mas Ambiente – Empire Carnival Group

Premio Sostenibel – OPC CG – Plastic Andromeda – Isabel Dammers

Masa Campeon – TOB Carnival Group

Masa Luhoso – TOB Carnival Group

Duo Campeon #1 – Empire CG – Eleganza – Reynold Semeleer / Devin Pereira

Duo Campeon #2 – TOB CG – Thais Royal Chamberlains – Roderick & Gabrielle Kock

Due Campeon #3 – Majestic CG – Hendrick & Carl Croes

Grupo di Aña – TOB Carnival Group – Mystical Thailand



Lider di fraccion di MEP

Rocco Tjon formando parti di delegacion di Reino na New York



E siman aki Rocco Tjon, lider di fraccion di MEP den Parlamento, ta forma parti di un delegacion di Reino, representando Aruba na reunionnan na New York.

Dialuna ultimo nan a reuni cu representanten di “UN-Foundation” y e “International Crisis Group” y tambe cu profesionalnan di Nacionnan Uni riba e prioridadnan di Reino dentro di Nacionnan Uni.

Den tur e 8 diferente reunionnan a wordo acentua e importancia di e “Sustainable Development Goals” y combatimento di terorismo. Pero un prioridad grandi pa Nacionnan Uni, cu ta sumamente importante pa Aruba tambe t’e enfoke cu nan ta bay pone riba digitalisacion y con pa combati e menazanan cu e desaroyo aki ta trece cune.

Ayera y e resto di siman lo tin mas reunionnan na “UN Headquarters” riba seguridad, retonan y solucion p’e desaroyo digital, problema di clima, con pa haya ayudo pa logra e metanan sostenibel y duradero stipula pa Nacionnan Uni y e crisis di Venezuela.

Otro accidente di UTV den Parke Arikok



DIALUNA atardi den careda di 6:30 informacion a drenta cu un biaha mas un UTV lo a accidenta den Parke Arikok. Segun informacion e accidente lo a sosode den area di Boca Prins.

Despues di algun rato e persona herida a wordo treci n'e entrada di e Parke den un pick up di e Parke mes. Por a mira cu el a cana subi ambulance, pero tambe cu e tabata sangra.

Polis di Trafico a presenta y despues di a compila dato, e Paramediconan a sali cu e homber direccion Hospital.



Polis a detene chauffeur di Volkswagen, sin ningun clase di documentacion

DIALUNA atardi pa mas o menos 6:45, Strand Politie a para un Volkswagen color preto. E control riba e auto a tuma lugar pariba di Palm Beach Plaza. Durante e control e chauffeur no por a mostra e papelnan necesario di e auto.

Polis a controla e plachi e number y esaki no tabata cuadra cu e Volkswagen tampoco.

Polis a bay over na detene e chauffeur, mirando cu diferente documento y posiblemente informacion no tabata cuadra.

A pidi Transportwagen unda a hiba e chauffeur warda di Strand Politie pa mas investigacion.



Invitacion pa Diarazon di Shinishi y Caminda di Cruz diabierna na Dakota

DIARAZON di Shinishi, comienzo di cuaresma, e aña aki ta dia 26 di februari y Rev. Pastoor Jozef Pelc di Parokia Birgen di Fatima Dakota, ta participa na parokianonan, pueblo di Dakota y Aruba en general cu lo tin dos Santo Sacrificio di Misa e dia aki, mainta 8'or y anochi 7'or.

Cuaresma, un tempo pa medita, t'e tempo tambe di abstinencia (no ta come carni), un temporada pa resa, yuna y duna.

Nos ta haña 40 dia pa pone nos mes bida na prueba. Nos ta bay den un desierto y laga Dios papia cu nos den nos curason.

Diabierna dia 28 ta cuminsa tambe cu Caminda di Cruz pa 6.30 atardi. Durante e Caminda di Cruz, nos ta compaña Hesus riba su caminda pa Calvario, lugar di Su morto. Despues ta sigi S.S, di Misa. Diabierna 28 ta usa buki geel.

Scorernan di Softball a bin hunto pa un clinica y upgrading



LUNA di februari tabata un luna yena cu actividad deportivo preparando pa campeonatonan na caminda. Aruba Softball Bond tabatin un reunion extra ordinario cu participacion di 18 equipo, mientras tambe tabatin reunion di Copa Noord 2020.

Recientemente un curso pa scorernan di Aruba Softball Bond bou di encargo di Fano Croes y Alfred Huntington.

Aruba Softball Bond for di 2018 a bay over na un sistema di scoring ful automatiza y moderno. Tanto Alfred y Fano a specialisa nan mes riba e sistema aki y cada aña ta bin hunto prome cu temporada inicia p'asina

repasa tur cos y siña cada bes mas opcionnan cu e sistema mes ta brinda.

Presidente di ASB tabata presente na inicio di e curso y a gradici tur presente pa nan aporte na nos deporte y alabes a splica cu e aña aki e team di scorers lo inicia for di dia 30 di April cu apertura oficial di campeonato di ASB, final di mei apertura di Copa Noord y finalmente 29 di juni pa 5 di juni Champ of the Champs y pues un cantidad di wega cu pronto lo ranca sali.

Aña 2020 ta muestra cu lo bay ta un aña grandi pa softball den su totalidad y nos lo tey pa brinda e ayudonan necesario pa bienestar general di nos deporte.

Pa caso cu a dura henter dia

Detenidonan Mathilda y Pierre a rechasá pa bin sala di corte dialuna

WILLEMSTAD. Pa dialuna tabatin programá tratamentu di e kaso kaminda 4 suidadano, esta Rychandly Zimmerman (35 aña), Thaino Mathilda (24 aña), Kinell Merkies (17 aña) i Jeff Pierre (27 aña) a sera kabes kometé diferente hecho kastigabel.

ATRACO ARMÁ

E delitonan kastigabel kometé a haña vários nòmber por ehèmpel ‘investigashon Crew’ ku ta trata di un atrako armá dia 5 di yüli 2019 na Seru Loraweg. Aki tabatin ladronisia di oloshi marka Movado, e sumanan di plaka manera 3000 dòler merikano, 2500 euro i 900 florin antiano, prendanan di oro, monedanan di plata kurasoleño i un outo Toyota Hiace.

Den e kaso aki por papia di atrakonan ku karanan tapá i arma di kandela den man, kaminda brutalmente a kana drenta dormitorio di algun persona. Un di e atrakadónan aki na e okashon menshoná a hasi e siguiente ekspreshon: “Keda trankil, nada no ta pasa bo. Bo ta wak e kos aki den mi man, ta un arma di kandela keda trankil, mi no ta hasi bo nada”.

Pero tòg a dal un di e habitantenan di e kas moketa den kara i den kabes, eksigiendo plaka. Tambe a mara man i plak boka di e personanan ku tape, anto tapa kabes di un di e víktimanan ku laken.

NAN A TIRA RIBA VIGILANTE

E mesun ‘investigashon Crew’ aki ta inkluí tiramentu dirigí ku arma di kandela dia 25 di yüni 2019 riba un vigilante ku ta karga e fam Pantophlet. Tambe atrako armá na supermerkadu van den Tweel na Jan Tiel riba e mesun dia 25 di yüni 2019.

Ladronisia di un outo Kia, modelo Sportage.

Mas aleu por papia di investigashon ‘Karkó’ i investigashon ‘Kran’, e último aki ta referí na un atrako brutal na pòmp di gasolin Vanddis den Bándariba.

Sinembargo tratamentu di e kaso a kuminsá lat, konfrontá ku hopi tardansa kousá pa e hecho ku algun di e detenidonan a protestá enérgikamente i a disidi finalmente pa no presentá den sala di korte.



Pa ta eksakto Thaino Mathilda ni Jeff Pierre no a presentá den sala di korte. E personanan perhudiká a haña e invitashon pa bini korte muchu lat, ademas tin un di e víktimanan aktualmente na Ulanda.

Abogado mr Uldrick Dickens a subi mesa ku e petishon pa laga su kliente menor di edat, esta Kinell Merkies den libertat temporalmente. E abogado a argumentá ku e investigashon ta durando demasiado i esaki ta perhudikando su kliente su estudio eskolar.

HUES A LAGA UN DI NAN BAY

Fiskal señora mr. Clarelli Hato Willems a insistí ku libertat pa e tipo di akusadonan aki lo ta un shòk duru pa komunidat, mirando loke nan a kometé. Wes mr. D. Gruijters sinembargo a pensa otro i a laga e situashon privá di e akusado menor di edat pisa riba e bienestar general, anto asina ei a laga Merkies tòg den libertat. E petishon di libertat temporal pa Rychandly Zimmerman, hasí di parti di abogado mr. van Gils, sí a keda desaprobá redondamente.

Dialuna, djabièrnè 21 di febrüari tabatin hinter dia reservá pa tratamentu di e kaso, pero esei debí na e motibunan ariba menshoná a haña e karakter di pro forma. Tratamentu di e kaso aki lo ta dia 23 di yüni binidero i a konkluí tambe ku tin un di e akusadonan ku mester aparesé ainda dilanti di wes komisario

Promé ku ela renunciá

Alcalá-Wallé a traha balchi cu proposicion pa nombra comisario

WILLEMSTAD. Promé ku ela baha komo minister di Enseñansa, Marilyn Alcalá-Wallé a manda un proposishon pa Konsehero di gobiernu, SBTNO, den un karta dia 24 di desèmber.

Aire dje karta tabata asina inkompleto i 'altanera' ku e Konsehero di gobiernu a profundisá riba e kandidatura dje persona komo komisario na Stichting Studiefinanciering Curaçao i a konstatá ku e proposishon t'asina vago ku mester a akclará hopi punto.

Kontesta ku ela haña dje èks minister riba su preguntanan legitimo tabata stail di "m'a manda bisa boso ku e kandidato ta kompetente i esei ta basta pa aprob'é" E èks minister tabata sa 'verdomd goed' ku ora postulá un kandidato, e mester pone e motivashon pretu riba blanku pakiko e ta postulá un persona.

Ora Konsehero di gobiernu haña e karta e ta sigi chèk si e datonan ta kuadra.

Por ehempel datonan riba e karera profeshonal dje kandidato, den e kaso aki señora Florance Doralice.

Pa su gran sorpresa, Konsehero di gobiernu mr. Donny de Palm a konstatá ku e minister of direktor di gabinete di Enseñansa no a manda ningun dato dje señora pa Konsehero.

Konsehero mester di e datonan aki pasobra kada komisario di SSC mester ta spesialisá riba nan tereno, por ehempel tur no por ta hurista. E hunta di komisario ta konsisti di 5 miembro ku e siguiente spesialisashonnan:

unu finansiero, unu huridiko, un ekonomista komersial i un especialista den materia di enseñansa.

I pa e drenta bira komisario e eksigensianan ta mas pisá pero ta esei e èks minister ke hasi e kandidato, esta, presidente dje hunta.

Maske kuantu despacho di mr. de Palm a buska, nan

no por a haña detaye kompleto di perfil dje señora.

Komo ku Konsehero no tabata ke problema i a splika e minister pa e tuma 5 dia pa buska e datonan i mand'é via mensahe elektroniko pe.

Loke Konsehero a haña komo kontesta tabata mas bruá ainda.

E minister a manda bisa ku señora Doralice tin preparashon akademiko pero no a duna detaye di kua academia ni ki spesialisadat.

E señora tin eksperensia den sektor mediko pero no a bisa na kua instituto mediko. Igual no por a spesifiká na kua empresa komersial ela haña eksperensia finansiero.

Pa e èks minister tabata sufisiente ku ela informá Konsehero ku e señora tin sufisiente eksperensia i esei ta basta.

E hecho ku e kandidato tabata den funshonnan haltu for di 2008 tampoko ta bisa Konsehero masha kos pero e èks minister a insisti ku ta presidente e mester bira. Ta opvio ku un nombramentu asina ta problema so e por krea den e hunta di komisario di SSC pero talbes ta esei mes tabata meta dje èks minister.

Konsehero a konstatá tambe despues ku te ora ku e señora tin tur e kualidatnan menshona, ta resultá ku e tin demasiado 'ekipahe', demasiado preparashon pa un puesto liviano asina den SSC!

Na final Konsehero SBTNO a disidi pa informá e minister ku e no tin opheshon pisá kontra e señora pa bira presidente di hunta di komisario di SSC pero a pone algun kondishon.

Sinembargo komo ku e èks minister no tei mas, awor ta toka na lider di PAR kende komo promé minister a tuma e kartera di Enseñansa temporalmente pa mira kon e ta sali for di e kambalacha aki....



Ricibi AWE Mainta tur dia den bo Inbox

Registra awo!
Manda bo e-mail na
noticia@awemainta.com



GRATIS

‘Onroerendezaakbelasting’....

Hende ku no a haña aanslag mester entregá un deklarashon

WILLEMSTAD – Minister di Finansa a saka un rekordatorio ku e lei di belasting riba propiedat inmobil (kas, edisio èts.) a kambia entrante 1 sèptèmber 2019.

Esei ta pa informá doñonan di i otro personanan outorisá pa propiedat inmóbil na tempu en bista di e but inkorporá den e landsverordening, pa asina nan por tuma e akshon korekto promé ku 1 mart 2020.

Personanan, ku ta doño di un propiedat inmóbil na Kòrsou òf pa motibu di propiedat òf un derechi limitá (por ehèmpel usufrukto (vruchtgebruik òf propiedat ekonómiko) por hasi uso di un propiedat inmóbil, tin ku paga OZB.

Bo mester paga e OZB si bo a haña un papel di belasting. No den tur kaso Inspekshon di Impuesto tin e informashon korekto pa manda un aanslag na e persona konserní.

Pa e motibu ei a inkluí den lei di OZB 2014’ ku personanan ku no a risibí un aanslag pa OZB mester hasi deklarashon na Inspekshon di Impuesto.

Por distinguí dos situashon diferente:

Un akshon pa un solo biaha den kual kontribuyentenan mester hasi deklarashon na Inspectie der Belastingen si den e 5 añanan ku a pasa nan no a haña un aanslag pa OZB. Si den añanan 2014-2018 bo no a haña un aanslag, bo mester hasi deklarashon di esaki na Inspekshon di Impuesto, promé ku 1 mart 2020. Un obligashon anual pa e kontribuyente indiká ku den e aña anterior e no a risibí un aanslag. Por ehèmpel, esaki por nifiká ku si den 2019 e kontribuyente no a risibí un aanslag pa 2018 e mester hasi deklarashon di esaki na Inspekshon di Impuesto. Personanan, ku no ta kumplí ku e obligashon di deklarashon, lo haña un but di 100% di e montante ku nan ta debe.

Mester drei desishon bèk mesora:

Ministerio SOAW a baha supsidio pa kuido di manera inaseptabel

WILLEMSTAD. Resientemente diferente instansia di kuido ku ta forma parti di e Fundashon Federashon di instansianan di kuido (Federashon) a wòrdu konfrontá ku rebahonan grandi riba e supsidio ku nan ta risibí di e Ministerio di Desaroyo Sosial, Labor i Bienestar (SOAW).

Ta trata di e siguiente fundashonnan: Fundashon Birgen di Rosario, Fundashon Kuido Integral Banda Bou i Fundashon Wit Gele Kruis voor de Thuiszorg “Prinses Margriet”. E rebahonan den supsidio ta varia entre 6.5 % te mas ku 16%. Banda di esaki e Ministerio di Salubridat a apliká rebaho riba diferente supsidio di mas of ménos 2%.

E fundashonnan ariba menshoná i Federashon ta haña ku e rebahonan aki den supsidio ta kompletamente inaseptabel i ya nan a entregá un protesta tokante esaki serka gobièrnu.

Ta via e vorskòt mensual di fin di yanüari 2020 nan a haña sa ku gobièrnu a kòrta, sin niun anunsio adelantá òf sin konsultá ku nan, gobièrnu a disidí pa rebahá e supsidionan. Un ke otro tabata un sla duru pa e instansianan di kuido.

E konfiansa den entre otro e Minister di SOAW i su ministerio a haña un sla hopi duru. Federashon ta di opinion ku gobièrnu mester drai bèk tur e rebahonan den supsidio aki di forma inmediato.

....señora Linda Cijntje-Gout direktor di federashon di kuido kende ta rechasá e rebahonan di supsidio di parti di Minister di SOAW kategorikamente i ironia dje kaso ta ku hustamente miembro di frakshon di MAN a bishita e federashon pero a saka man pa apoyá señora Gout den su afan pa Sali na defensa di nèt esnan mas vulnerabel den komunidad....

Husticia inhusto

Hues a scual Lennon Balentina formal pa posecion di rifel di aire

WILLEMSTAD. Outoridatnan lo no tolerá posecion di arma di kandela, ounke ta pa mata kachónan feros di mondi, esei ta loke e suidadano Lennon Balentina a eksperensiá djaserka den sala di korte dialuna. Pero tabata un eksperensia realmente amargo loke e suidadano, kriadó di bestia na 'vlakke di Hato, señor Lennon Balentina na su turno a kompartí den sala di korte dialuna.

Lennon a splika detayadamente kon kada biaha el a para soportá kachónan feros di mondi habraká su karné ku kabritunan ku e tabata kria ku tantu amor i dedikashon. Lennon Balentina a invertí seriamente den krio di bestia, importando algun di e bestianan aki for di eksterior pa drecha su krio.

Ademas el a start un kriamentu di galiña na gran eskala, pasobra for di mucha chikitu el a siña esei di su mayornan.


Lennon Balentina simplemente tabata trata su bestianan ku pashon i tabatin e intenshon pa definitivamente ekspandé e negoshi aki. Pero e opstákulo mas grandi den esaki ta kachónan feros di mondi ku sin buska drechi ta habraká e bestianan aki.

Riba un dia den luna di yanüari, ku Lennon su pasenshi a kaba klaramente el a sali ku un rifel di airu en buska di e kachónan feros aki. E tabata kanando, hopi rabiá aya na vlakke di Hato, buskando algun di e bestianan ei pa tira mata, pasobra el a konstatá ku e kachónan aki tabata hasiendo di mas ku su bestianan. Ta komo si fuera den trupa nan tabata presentá pa destrosá su bestianan.

Un vigilante den e area aki a tuma nota di Lennon su presensia ku e arma.

E vigilante aki a pone polis na altura kende a bini na e sitio i a vigilá kada paso di Lennon Balentina.

Finalmente Lennon Balentina a kai será pa 10 dia ya ku e tabatin un arma peligroso ilegalmente den su poder.



Esaki na su turno a kousa ku Lennon Balentina a pèrdè 68 di su karné i kabritunan, loke el a para konta wes ku pena na su kurason.

Ademas di a pèrdè su bestianan durante su ousensia debí ku el a kai será, Lennon Balentina su tata, un hende grandi di 80 aña su salú a bai konsiderablemente patras.

Fiskal señora mr. Eva Bos a demostrá kompreshon pa Lennon Balentina, pero a yama atenshon pa e hecho ku aki ta trata di poseshon ilegal di arma di kandela. E fiskal a haña ku no ta nesesario laga Lennon regresá prizon, komo tal a demandá un kastigu di prizon di 270 dia di kua 261 dia kondishonal i un periodo di prueba di 3 aña, ademas e fiskal a haña ku e akusado mester paga un suma di but.

Wes mr. D. Gruijters sinembargo a konkluí den e sentensia ku e kastigu di prizon manera fiskal a pidi, e but ya no ta nesesario pasobra Lennon Balentina a sufri finansieramente basta kaba ku e kachónan ku a habraká su bestianan.

Premio UNESCO Curaçao Idioma Materno Papiamentu 2020



PSALM 23:1,2,3,4,5,6

The LORD is my shepherd; I shall not want.
In verdant pastures he gives me repose; Beside restful waters he
leads me; he refreshes my soul. He guides me in tight paths fir
his name sake.
Even though I walk in the dark valley I fear no evil; for you are at
my side with your rod and your staff that give me courage. You
spread the table before me in the sight of my foes; You anoint
my head with oil; my cup overflows. Only goodness and
kindness follow me all the days of my life; And I shall dwell in
the house of Lord for years to come.

It is with great sadness we announce the passing of a great
hardworking lady, our beloved aunt, sister, godmother and
friend to many



**Maria Ildebrandina Duarte
Cordeiro-de Freitas**

Vda. di Arnaldo Duarte Cordeiro

*June 13, 1929

† February 17, 2020

Na number di su
Ruman muhe: Maria Margarida Freitas

Sobrino (a)nan: Roberto Freitas Costa (Lisa) na Canada
Octavio Freitas Costa (Cristina) na Portugal
Ricardo Freitas Costa (Beatriz) na Portugal
Pedro Paulo Freitas Cota na Portugal
Jelitza Oehlers-Duarte Cordeiro (Marlon) na Aruba

Sobresobrino(a)nan: Miguel, Filipa, Riley, Chantal, Cristian,
Gonçalo, Rodrigo, Matilde

Su primanan: Gabriela Rego (Norberto), Ana Luz (Bo), Clint Luz
and Nicole Luz.

Cuñanan: Odete (Jack) y Elizabeth Cordeiro

Ihanan: Luby Carty, Anna Paula de Lima, Tomasía Gonçalves
de Freitas, Roberto Costa, Sebastian Correa, Judith Correia de
Andrade

Comadre: Beatrix Lurdes Martins, Carmen de Kort

E angelnan durante su ultimo dianan: Dr. Usha Hoelass, Ida
Gonzalez, Anthony Vera, Stephen Valois-Smith, Freddy
Hernandez

Amigo(a)nan: Vallesita y Eric Croes, Stephen Valois-Smith, Fredy
y Karina Hernandez, Blanca Fajardo y familia, Carlos Girardo,
Mercedes Andrade, Benny y Margarita Tromp, Rosiris Velinos,
Olinda, Altagracia, Liliana Piñeda, Loly Berlis y familia, Alexander
Berkly y sra, Betty Harms y familia, Ica Werleman, Kenyer y Jairo
Dania, Omaira Piña, Terma Velinos, Carlos Comenencia (Kalulo),
Helena Koolman y familia, Stanley y Andrew Valois-Smith.

Bon Bisiñanan: Harms, Wever, Comenencia, Berlis.

Ta invita pa asisti na despedida y entierro cu lo tuma lugar
diahuebs 27 februari 2020 for di 2'or na misa San Fransisco na
Playa despues lo sali pa santa Central na Sabana Basora.

Nos ta pidi nos disculpa cu si nos por a lubida un of otro
persona y cu despues di entierro nos no ta ricibi bishita di
condolencia na cas.

WILLEMSTAD. E Premio di UNESCO Curaçao pa Idioma Materno Papiamentu e aña aki a bai pa Gilbert “Gibi” ‘Bacilio ku e ‘Obra di teatro Chakutoe’. Bacilio a bira e di nuebe ganadó riba 21 di febrüari ku ta dia Internashonal di Idioma Materno, fecha proklamá pa UNESCO. Tur aña riba 21 di febrüari Ministerio di Enseñansa èts., huntu ku Komishon Nashonal UNESCO Curaçao ta otorgá e prestigioso premio aki na un institushon, organisashon, grupo òf persona ku demostrá mérito sobresaliente i logra resultado efektivu den aktividatnan ku tin di aber ku desaroyo di idioma papiamentu.

E otro nominadonan pa e aña aki tabata Akademia Popular Errol Scoop pa su siklo di lès ku ta trata papiamentu ‘Papiamentu Patrimonio Nashonal, e lenga di resistensia’ i Crisèn Schorea ku su promé albùm ‘Morde mi Kome Mi’.

Den un enkuentro na Ministerio di Enseñansa a duna mérito na e nominadonan i a anunsia e ganadó. Minister di Enseñansa interino Eugene Rhuggenaath ku ta alabes presidente di e komishon Nashonal di UNESCO Curaçao a anunsia e ganadó i a entregá e premio na Gilbert “Gibi” Bacilio. E Premio tabata konsistí di un plakati un suma monetario di Nafl. 2500,00.

Rònt mundu a selebrá e dia aki i na Ofisina Prinsipal di UNESCO tambe. Direktor General di UNESCO Audrey Azouley den su mensahe a bisa ku pa Dia Internashonal di Idioma Materno 2020, UNESCO a skohe e tema di “Idiomanan sin frontera”.

Esaki ta pa yama atenshon riba e forma kon idiomanan inkluyendo idiomanan materno ta kontribuí na diálgo interkultural i pas. Rònt mundu idiomanan ku ta trasasá fronteranan ta trese su papiadónan mas serka di otro, konvirtiendo fronteranan den brùgnan na lugá di bareranan.



“Bou di alanan di Dios mi ta sigur”
Abo ku ta biba bou di amparo di Altísimo, ta hospedá
den sombra di Dios Omnipotente, bisa Señor:
“Mi refugio, mi forti, mi Dios, den kende mi ta
pone mi konfiansa”
Salmo 91:1-2

Cu dolor na nos curason,
nos ta anuncia fayecimento di nos ser stima:



Evel Andres Avelino Martha

Mihor conoci como “Errol”
*10-11-1945 - †14-02-2020

Acto di despedida lo wordo anuncia despues



“Laga tur loke ta spera mi ta bunita
Laga tur locual cu mi encontranacaminada ta bunita
Laga tur locual cu mi lagaatraskedabunita y
Lagaesakinantermina den tur buniteza”

Cu Inmenso tristesa na nos curason,
nos ta anuncia fayecimento di nos mama stima:



Sra.vda. Swinda M.Maduro-Jacobs

*06-02-1938 - †23-02-2020

Acto di entierro lo wordoanunciadespues.

Si Gijsbertha a manda reakshon riba karta di CFT e ke kopia!


Royal Aurora
Funeral Home & Crematory

“Señor ta mi wardador, mi n’tin falta di nada;
Den cunucu di yerba berde, E ta ponemi sosega.
E ta hibami na awa tranquil, pa mi bolbe haya forsa.”
Salmo 23:1,2,3.

Cu inmenso dolor na nos curason, nos ta anuncia fayecimento di nos kerida mama, wela, bisa wela, ruman, tanta y amiga.



**Vda. Juanita “Chichi”
Leest – Werleman**
* 29-08-1934 - † 20-02-2020

Na nomber di su:

Esposo: † Policarpo “Capi” Leest

Yiunan:

Valerie y † Migdonio “Donnie” Boekhoudt - Leest y famia
Alvin “Chef Leest” y Shirley Leest - Croes y famia
Kenneth Leest y famia

Nieto y nietanan:

Xavier y Jenifer Boekhoudt - Jansen
Xilienne Boekhoudt y Aldrich Dijkhoff
Angelique Leest
Urvin Leest y Indra Stamper
Sherrelies Leest y Giovanni Kock

Bisanierto y bisanietanan:

Xeena, Mikaela, Thaylisha, Sayenne, Sofia, Shaellyn y Sheldhyr

Rumannan:

Chichi y † Wawa Solognier - Werleman y famia
Ninita Werleman y famia
† Fichi Werleman
Ciro y Coleta Werleman - Tromp
† Ina y † Ale Geerman - Werleman y famia
Japi y Osmelia Werleman - Madiedo
Djick y Shon Ca Werleman - Werleman
Mario y † Tinchi Croes - Werleman y famia.
Ica Werleman y famia

Amiganan di cas:

Sra. Mercedes “Campeon” Andrade y famia
Sra. Ana Castillo y famia

Swa y cuñanan, sobrino y sobrinanan, comer y compernan, ihanan, primo y primanan.

Demas famia: Leest, Werleman, Boekhoudt, Croes, Jansen, Dijkhoff, Stamper, Kock, Solognier, Geerman, Tromp, Madiedo, Andrade, Castillo, Zievinger, Swaen, Meelis, Dirksz, Thomas, Boezem, Diaz, Dania, Gonzalez, Echeverría y tur su amistad y conocirnan di Centro Kibbracha, su ex coleganan di Floresteria Aruba, Hoffi Elaine y Jardin Caribe.

Ta invita pa acto di condolencia cual lo tuma lugar na Aurora Funeral Home diaranson dia 26 di februari di 7.00 – 9.00 pm. Acto di entierio lo tuma lugar diahuebs dia 27 di februari 2020 na Aurora Funeral Home di 9.00 – 11.00 am y despues lo sali pa Santana de Vries na Santa Cruz. Despues di entierio nos no por ricibi bishita di condolencia na cas.

Si en caso den nos tristeza nos por a lubida algun persona of famia, nos ta pidi nos mas sincero disculpa.

Mirando e posibel embergadura di e 2 kartanan aki pa ku ehekushon di Presupuesto 2020 di Pais Kòrsou i pa ku futuro di Finansa Publiko di nos Pais Kòrsou, petishon ta pa risibí kontesta e karta aki di Minister di Finansa riba un tèrmino korto.

Bosero di Federashon di Kuido:

Tin tur sèn pa hospital nobo pero no pa esnan ku mester di kuido



Psalms 23.4.

"Even though I walk through the valley of the shadow of death. I will fear no evil for you are with me, your rod and your staff, they comfort me"

Cu inmenso dolor na mi curason mi ta anuncia fayecimiento tragico di mi yiu, ruman, tata y omo stima:

Michelangelo Joshua Geerman

mihor conoci como
Angelo, Telo, Teloman.
Na edad di 28 anja.
*9 December 1991
†10 February 2020



Na nomber di su:

Mama: Joselyne (Joyce) Tromp
Tata: Miguelito (Geechi) Geerman
Manera un tata: Wilfrido (Willy) Giel
Yiu cu e la stima: Yalexander Geerman

Ruman nan: Alexander (Achi) y Ginoushka
Cristian (Kleine)
Jonathan (Johnny) y Emiziene
Trevor (Chuck)

Primo manera ruman: Gabriel (Gaby)
Sobrino stima: Jahson Geerman
Princes: Joziëne Geerman
Tanta y omo nan: Robertino (Robby) y Magaly
Ether (Ete) y Kenneth
Mildred (Dina) (Hulanda)
Maritza (Isha) y Safeek (USA)
Lisette (Lili)
Claudette (Coya) y Ricardo (Kado)
Judith (Day) y Narshell
Juan y Claudia
Nelson y Leila
Padrino: Urbano Jr. Perez (Juni)
Su madrina: Ludwina Semeleer

Wela(o) nan: †Servinio y †Modesta Tromp
†Juan y Margo Geerman
Felicia (Mena) Perez y Jos Dirks
Primo(a) nan: Derwin, Silvhyanne, Rose-Mary, Julie-Anne,
Christine, Jean-Pierre, Shawn, Samantha, Zack,
Gabriel, †Daisy- Anne, Calvin, Chastity, Jamilla,
Roger, Samir, Ferigmar, Danielle, Daribelle, Javier.
Mama di su yiu: Yalejandra Tromp
Miho amiga: Lulu
Tanta grandi stima: Manuelita Henriquez
Amigo(a) nan: Mucho hopi pa menshona.

Demas famia: Tromp, Geerman, Giel, Henriquez, Perez,
Ohab, Kamp, Croes, Rozenberg, Koolman, Wong, Lopez,
Gibbs, Dirks, Christiaans, Figaroa, Briesen, Ridderstaat,
Bergrok, Angela.

Ta invita pa acto di condolencia y despedida cual lo
tuma lugar na Misa Sta Anna na Noord diabierna 28 di
februari 2020 di 2'or pa 4'or di atardi. Cremacion lo tuma
lugar despues.

Enbez di flor y krans lo tin un box disponibel na
condolencia y Misa pa un bon cuasa.
Ta pidi pa bin na color Alegre.

Mi ta pidi disculpa si den tristeza a lubida di menshona
algun familiar of amistad.

WILLEMSTAD. Bosero di Federashon ku ta sra. Linda Cijntje-Gout a reashoná energikamente kontra e rebahonan di supsidio na fundashonnan di kuido.

Ela enfatisá ku e proseder aki, a tras pasá tur limite, tantu esun di desensia komo esun legal.

E gran mayoria di instansianan di kuido a anunsiá kaba ku nan ta oblig pa baha e kuido sosial di forma aselerá. No mester lubidá ku e rebaho nobo aki ta sigi riba diferente rebahonan ya implementá den añanan anterior.

Di otro banda gobièrnu di niun manera no ta tene cuenta ku subida di gastunan pa loke trata mantenshon; subidanan ku e diferente instansianan di kuido ta haña nan mes konfronta kune tur aña. Ta duru pa mira ku tantu sèn ta bai pa un hospital nobo, pero ta keda baha e kuido diario na esnan mas vulnerabel den nos komunidat na un nivel ku ta hopi dudoso.

E "Landsbesluit Subsidies" ta preskribí ku dunamentu di supsidio mester ta regla pa medio di un asina yama "Ministeriële Beschikking".

Gobièrnu ya pa un par di aña ta neglishá e trahamentu di e "beschikkingen" aki, ku ta pone ku e instansianan di kuido ya pa un par di aña simplemente no sa unda nan ta pará.

Pa e instansianan aki ta imposibel pa kompronde dikon e Ministerionan di SOAW i di Salubridat no ta kapas pa yega na palabrashonnan tokante supsidio na tempu ku nan. Despues mester ankrá e palabrashonnan aki den e asina yama "ministeriële beschikkingen".

Un ke otro ta hasi e komprondementu aún mas difísil ya ku tur e instansianan aki ta kumpli pa entregá nan petishon pa supsidio promé ku 1 di mei di kada aña. Esaki ta pone ku tin mas ku suficiente tempu pa yega na un "beschikking" di tal índole.

Sra. Cijntje-Gout ta di opinion ku e instansianan di kuido tin derechi riba un splikashon amplio di banda di e Ministernan responsabel.

E ta deseá pa reuní ku e Ministernan responsabel ku komo punto di salida: evitá e tipo di situashonnan fèrfelu asina'ki den futuro.

Sra. Cijntje-Gout ta trese por último dilanti: "Por solushoná hopi kos kaba si gobièrnu sòru pa e "Ministeriële Beschikkingen" ta kla na tempu. Esaki no ta muchu pidi tòg?"



"Abo cu ta biba bao di amparo di Altísimo, ta hospeda den sombra di Dios Omnipotente"
Salmo 91:1

Agradecido na Señor pa e aña nan di bida,
nos ta anuncia fayecimiento di:



Mario Vries

Mihor conoci como "Loy"
*22-10-1928 - †24-02-2020

Na nomber di su:

Yiunan:

Robert (Papito) Vries

Soila Vries

Brenda Vries

Nieto:

Thiago Gomez

Rumannan:

Johanna (Nanachi) Croes-Vries

Susana (Sani) Fradle-Vries

Maria (Marie) Hendriks-Vries

Lermit Vries

Tur sobrino- y sobrinanan

Demas famia: Vries, Maduro, Gomez, Croes, Fradle,

Hendriks, Figaroa, Flores, Arendsz, Peña, Nava, Trimon,

vd Camp, Werleman, Lampe

Ta invita pa acto di entierro cual lo tuma lugar na Aurora

Funeral Home diabierna 28 di februari 2020 di 9'or pa

11'or di mainta. Despues lo sali pa Santana Centraal

Sabana Basora.

Condolencia lo tuma lugar na Aurora funeral Home

diahuebs 27 di februari 2020 di 7'or pa 9'or di anochi.

Nos no ta ricibi bishita di condolencia na cas.

Nos sincero disculpa si nos por a lubida di menciona un

familiar of conócir.



E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL